

## Wárágã Páwũlõ 'bã sîlé Títõ nî rĩ

### *Wárágã Páwũlõ 'bã sîlé Títõ nî rĩ*

<sup>1</sup> Wárágã 'dĩ angá mádrĩ ma Páwũlõ 'i átí'bó ãdróná drĩ ãzila ùpígóná Yésũ Kúrísitõ drĩ rĩ. Yésũ pẽ áma tì ãřítáná patáná isújó rĩ agulé 'bá ãdróná 'bã ùpélé rĩ 'banî, sî kí imbájó ìjọ mgbã rĩ lùjọ ãzila ídri ãdróná 'bã lélé u'ájó ãlá rĩ i'dajó ĩ'banî. <sup>2</sup> Ìjọ mgbã 'dĩ la fě ĩ'baní ásı 'bãlé ídri ukólépi ku, ãdróná 'bã ìjọ azilé ĩ'baní 'dĩ sî ú'bã drĩ ùnókú ku rĩ drĩ gá, ãdróná alı ala gá ĩnzõ ku. <sup>3</sup> I'da ìjọ mgbã ĩ'didrĩ 'dĩ sáwã múké rĩ agá, 'dĩ ãzítáná ãdróná ãma Palépi rĩ 'bã félé mádrĩ ùlũjọ la rĩ 'i.

<sup>4</sup> Ásı wárágã 'dĩ mâ ngõtı mgbã ãma sî adrujõ ãřítáná agá ãlu Títõ nî!

Lětáná uyanâ kóru ãzila ásı ĩgbě ãdróná ãmã Átépi rú ãzila Kúrísitõ Yésũ 'Bá ãma Palépi rĩ.

### *Ázı Títõ 'bã ngalé Kũrětĩ gá rĩ*

<sup>5</sup> Ìjọ mánı ími a'bejõ Kũrětĩ gá rĩ, mi rú sî ìjõ Kũrětĩ gá 'dãá itulé ãzila delé ku 'dãá rĩ kí itú, 'bá kãnısã 'bã drĩlé ru rĩ kí ùpějõ táwũnĩ ãlu-ãlu gã sî, cécé ándrá mâ mínı lülé rĩ áni. <sup>6</sup> 'Bá kãnısã 'bã drĩlé ru rĩ 'bã adru kí 'bá ãzi ìjõ ùnzı jojó kí urun'ba gá ku la, ùkú trũ ãlu, ãzila anzı ĩ'didrĩ 'bã adru kí 'bá ãdróná ãřılépi la, drĩ-ũnzı

kóru āzila bīlẹ trū. <sup>7</sup> 'Bá kǎnǎsǎ 'bǎ drīlẹ ru āzī  
 Ādrónǎ drī fẹjọ ĩ'didrī, undrélẹpi la rī 'bǎ adru  
 ijọ ūnzī kóru. 'Bǎ adru 'bá āfó ru ku, ūmbā rú  
 ku, ĩmērálẹpi íwá sī ku, ásí ūnzíkǎnǎ ku, āzila  
 rọmgbọ ru séndẹ sī ku íni la. <sup>8</sup> Be la rá la, 'bǎ  
 adru 'bá āmú ā'ílẹpi múké íni la, 'bá ijọ múké  
 Ādrónǎ drī kí lẹlẹpi idélẹpi la, 'bá ásí ǐgbẹ vǎ ijọ  
 mgbǎ idélẹpi áyọ la, adrulẹpi ijọ ūnzī kóru, ru  
 tǎmbalẹpi ijọ pírí agá sī gẹrī pírí sī rī 'i. <sup>9</sup> Lẹ 'bǎ  
 ru ijọ ĩ'diní imbálẹ mgbǎ 'dī mgbemgbe, 'ba uja  
 ĩ'di ku, 'ba imbá sī 'bá kí ásí imbátánǎ kpì rī sī,  
 'ba i'da dó sī ijọ ūnzí 'bá āgátǎ galẹpi ijọ Ādrónǎ  
 drī sī 'dī 'badrī rī kí.

<sup>10</sup> Ájọ ijọ 'dī íni la ā'dusīku 'bá idemará ūnzí rī  
 kí wẹwẹ rú, 'bá ijọ sī 'bá ulẹjọ rī jolẹpi 'dī kí trū,  
 ambamba la 'bá ru ĩtārálẹpi rá lǎ'bī Yāhúdī drī  
 trū 'dī kí. <sup>11</sup> Imbátánǎ ĩnzō rú rī sī, kí 'bá kí uja  
 sī ā'ítánǎ mgbǎ rī a'bejọ, imbá'bá 'dī 'bǎ áni rī  
 lẹ kí lú séndẹ ĩmidrī gá rī kí áyọ, lẹ ĩfẹ 'bǎ ĩyǎñǎ  
 kí tú. <sup>12</sup> 'Bá āzī ālu kí agá 'dǎá ĩ'bǎ kí ūrálẹ nábī  
 rú la jọ, “'Bá Kūrétī gá rī kí ọ'dụ pírí sī ĩnzó'bá,  
 ūmbā rú cécé ānǎkpá ásé agá rī kí áni, āzila kí  
 ūvú'bá, vǎ 'bá rọmgbọ ru la kī.” <sup>13</sup> Ijọ jolẹ 'dī ĩ'di  
 ijọ mgbǎ la, Títõ. Ijọ 'dī sī, mí uzá 'bá 'dī kí drī  
 gá ũkpó sī 'bǎ tu kí rú sī pá ā'ítánǎ agá ũkpó ru.  
<sup>14</sup> 'Bǎ 'bǎ kí rú sī ásí āwí 'bá Yāhúdī rú 'dī 'bǎ kí  
 nzelẹ āzila āzítánǎ āfūlẹpi 'bá 'badrī sī ijọ mgbǎ  
 rī gǎjọ úmgbẹ 'dī kí drī gá ku.

<sup>15</sup> 'Bá ásí ālá rī ní ijọ múké rī ĩ'di ngá múké, wó  
 'bá ásí ūnzí rī ní ijọ ālá rī icó ā'ílẹ la ku, ā'dusīku  
 ásí ĩ'badrī kí ūrátánǎ ĩ'badrī abe kí ru iza rá.

16 'Bá 'dĩ kí ru 'bã nĩ kí Ædrónâ cé, wó ìjọ ì'bã kí idélé rĩ la i'da la nĩ kí Ædróná ku rĩ gá nĩ. Kí 'bá ngũ ùnzí, àzila are kí ìjọ ku, icó kí dó sĩ ìjọ múké la idélé ku.

## 2

### *Mí imbá ímbátáná mgbã rĩ*

1 Wó Títõ mì rú rĩ gá, mí itú ú'áná ru icílèpi ímbátáná ã'ítáná drị i'dalépi rĩ áyọ. 2 Mí imbá ãgọbị mbalépi 'bo 'dĩ kí ru tãmbajó ìjọ pírí ùnzí rĩ kí sĩ, 'bá 'bã ìnzí kí ìnzí-ìnzí, 'bã adru kí ã'ítáná trũ ùkpó ru, lètáná trũ, àzila 'bá ìjọ talépi ásì ìgbé sĩ la kí.

3 Mí imbá vâ ùkú mbalépi 'bo 'dĩ kí cécé 'dĩ 'bã áni, 'bã adru kí ãrútáná ru gbíyã ì'badrị agá, 'bã adru kí 'bá 'bá rụ jọlépi ùnzí ku, àzila 'bá ìmērālèpi íwá sĩ rĩ kí rú ku. Kẹjì la gá 'ba imbá kí 'bá ãzì rĩ kí ìjọ múké rĩ sĩ. 4 Ùkú mbalépi 'bo rĩ 'ba imbá kí ùkú ú'dí 'dĩ kí ì'bã ágó kí lějọ ì'bã anzíná kí abe, 5 'bã mba kí ru tã lícọ ì'badrị abe ãlá ru, 'bã nga kí ãzì lícọ gá rĩ kí ùkpó sĩ, ásì la 'bã adru kí ìgbé ru, àzila 'bã ru kí vâ sĩ ì'bã ágó kí ìjọ ì'bã kí jolé rĩ kí abe cí. Ìjọ 'dĩ sĩ, 'bá ãzì 'bã u'dá dó sĩ ìjọ Ædróná drị kí ìjọ sĩ ku.

6 Mí imbá ãgọbị ú'dí 'dĩ kí 'bã mba kí ru tã cénì. 7 Mí adru ì'baní ícétáná ru ìjọ pírí múké mì idélé rĩ kí sĩ. Ímbátáná mídrị rĩ 'bã adru ìnzō kóru àzila ùkpó ru, 8 'bá ãzì 'bã ide ìjọ mì jolé rĩ ku, 'bá ãgátã galépi mí be rĩ 'bã ìsù kí rú sĩ drìnzá, ã'dusìku ì'baní ìjọ ùnzí icójó jọjó ãma ọrụ 'bá gá ku rĩ sĩ.

9 Mí imbá ãti'bo kí ãrútáná idéjò ãmbogo ì'badrî kí uren'ba gá ìjò pírí sî, ãyîkõ fējó ì'banî, ìjò uren'ba gá ku. 10 'Bã ùgũ kí ãmbogo ì'badrî 'bã ãko kí ku. Wó 'ba i'da kí ru 'bá mgbã múké la, ãzila 'bá ásî tîjò kí drî gá rá la rú, 'dî la dó sî ìmbátáná múké Ædróná ãma Palépi rî drî gá rî fê adrulé ãjî trũ 'bá pírí 'banî.

11 Ásí ìgbẹ Ædróná drî lètáná ì'di 'bã lějò 'bá pajó rî, i'da dó ru 'bá pírí ní 'bo. 12 ì'di ãma imbá ìjò ùnzí ùnókú drî kí gājó ùlě ì'didrî abe úmgbé, ãma sî ãma tãmba pá tujó ùkpó ru ìjò kpî sî ìjò ùnókú ú'dî'da 'dî drî kí agá, 13 ãmaní drî drîlẹba ásî 'bãjò drî la gá rî tẹ agá 'dî uren'ba ìjò ñzã, rú drúzî Ædróná ãmadrî ãmbögõ Yẹsũ Kúrísitò 'Bá 'bá Palépi rî, 'bã ru i'dajó rî sî. 14 Fẹ ru ãma unzejó ìjò ùnzí pírí agá, ãma ùjîjò ãlá ru, ãma 'bãjò ì'di 'bã 'bá ru ãmaní sî ãma 'bãjò ìjò kpî idéjò. 15 Lě mí imbá 'bá kí ásî ìjò 'dî kí idéjò, kí itújó ìjò ítúná lẹlẹpi rî sî ãzítáná 'bã lẹlẹ rî áni. 'Bá ãzi 'bã avá rú sî ùkpõ mídrî rî sî ku.

### 3

#### *Ádrízã múké rî*

1 Títõ, mí igá 'bá mídrî 'dî kí ãrútáná idéjò 'bá kí drîlẹ gá rî kí uren'ba gá, ãzítáná ì'badrî kí ìnzîjò sî adrujò bábá sî ìjò múké rî idéjò. 2 Ílũ ì'banî 'bã jò kí ìjò ùnzí 'bá ãzi uren'ba gá ku, 'bã ãwã kí 'bá kí abe ku, 'bã ndre kí 'bá 'bã ízákízã ãzila 'bã ru kí 'bá kí ìjò jã sî.

3 Æma ándrá aza sî ìjò ùnzí kí idé agá drî ùnzí sî, ãma acá dó ãti'bó ru ùlě ìjò ùnzí idéjò rî áni.

Ãri sáwã izalé ídri ãmadrî agá 'bá kí ngũjõ ãzila 'bá kí ndrejó miḡi ũnzí sî. Íjõ 'dî sî, 'bã ázi rî ngũ kí ãma ũnzí ãngũ vâ kí ũnzí. <sup>4</sup> Wó ásî ìgbê ãzila lêtáná Ádróná ãma Palépi rî drî rî la mu ru i'dalé 'bo, <sup>5</sup> pa ãma rá, adru ãmaní íjõ múké idélé rî sî ku, wó ásî ìgbê ì'didrî gá rî sî. Ûjî íjõ ũnzí ãmadrî kí ãzila fê ãmaní ídri ú'dí Úrindí Álá rî sî. <sup>6</sup> Ádróná ũsũ Úrindí Álá 'dî ãma drî gá Yésũ Kúrísitõ 'Bá ãma Palépi rî sî. <sup>7</sup> Íjõ 'dî sî, 'bã dó ãma ãlá ru ásî ìgbê ì'didrî ãmbógó rî sî, ã'bã ásî ãma dó mu ídri ukólépi ku rî nalé ì'di trũ ãlu. <sup>8</sup> Íjõ mã jolé míní 'dî kí íjõ mgbã la, álê íjõ íjõ 'dî kí ùkpó ru, 'bá ásî 'bãlépi íjõ Ádróná drî drî gá rî 'bã adru kí miḡi trũ, sî ru ásî 'bãjõ píri íjõ múké rî kí idéjõ. Íjõ 'dî kí múké ãzila ùrõdrî ru 'bá píri 'banî.

<sup>9</sup> Ífi ágátã galé, ãzila ãwí ífi kóru á'bî ùlãjõ, jõku ãwãñá ãzila ãcóná cojó, ãzítáná 'bá Yãhúdî rú 'dî 'badrî kí agá ku. Íjõ 'dî 'bã áni 'dî kí ãzi kóru ãzila kí sáwã iza. <sup>10</sup> 'Bá 'bá kí awalépi rî ìli bílê ìndú la pâlé ìrî, 'dã 'bã ùngúkú gá drî gã úmgbé, mí a'be ì'di cã. <sup>11</sup> Lẽ ínî cé 'bá 'dî 'bã áni rî iza kí ru íjõ ũnzí sî rá, ùnzîkãñã ì'badrî gá rî la íjõ lì kí drî gá nî.

### *Páwũlõ azi Títõ ní ãsijõ*

<sup>12</sup> Má itú ma Átémã 'i jõku Tũkíkõ tî pélé mí rûlé, kí ázi drî acá mí rú 'dã 'bo, mí ù'bî ásî píri sî calé má rú táwũñî Nîkõpólî gálê gbõñá ru, ã'dusîku ápê ãngũ ìgbé rî tējõ 'dãã. <sup>13</sup> Mí ù'bî Zénã jájî rú rî kí ãzã kolé Ápólõ be ãko píri sî ãcî ì'badrî agá 'bã ìcê kí ãko ázi ì'ba kí lélé la sî

ku. <sup>14</sup> 'Bá ãmadrî 'bã ũnî kí ru fējó pírí ïjó múké idéjó, sî ãko fējó ïjó lélé idélé ú'dú pírí rî kí ãzã kojó, 'bã adru kí ũvũ rú ku.

<sup>15</sup> 'Bá pírí má rú 'dólé rî zî kí ïmi pírí cící ãzıla 'bá ãma lélépi ã'ítánjá 'dĩ agá 'dĩ kí ïzî kí cící.

Lětánjá uyanâ kóru ãdróná drî 'bã adru ïmi abe pírí.

## **Ījò Ú'dí rĩ**

### **The Holy Bible in the Aringa language of Uganda**

copyright © 2018 Wycliffe Bible Translators, Inc.

Language: (Aringa)

Contributor: SIL International (in Africa)

All rights reserved.

2020-11-11

---

PDF generated using Haiola and XeLaTeX on 21 Feb 2024 from source files dated 29 Jan 2022

695104cf-f1e1-5cdd-8e7e-1df2480da505